

ԾԱՂԿԱՔԱՂ ԵՒՐՈՊԱԿԱՆ



Շարուպիան

Բոյնք Թոյնոց :

Տեսչութիւն գերահրաշ 'ի բոյնս
Թռչնոցն արտափայլէ . չէ մարթ առանց
գորովելոյ նկատել 'ի նոսա զվերնա-
խնամբարութիւնն , որ զապիկարն ճո-
խացուցանէ ճարտարութեամբ , և զթե-
րահոգն նախահայեաց պատրաստէ :

Ըն ինչ ծաղկափթիթ զարդարին
ծառք , բիւրք բիւրուց արուեստագոր-
ծաց ելանեն 'ի գործ . կէսք շիւղս յար-
դից երկայնագոյնս բարձեալ բերեն 'ի
ծերպոս վաղժամանակեայ որմոց , և
կէսք 'ի պատուհանս եկեղեցւոյ որմեն
տունս . ոմանք զձիոց գողանան բաշս ,
կամ զծուէնս գզաթիցն զորս ոչխար
Թափառական զցանկովք մորենեաց Թռ-
ղու կռուեալ . և այլք 'ի բարձունս ծա-
ռոց զկրկուտան զօրէն փայտահարաց ըզ-
միմեամբք կուտեալ կցորդեն . և այլք
դարձեալ զմետաքն մանեալ զոքոզ
փշովքն ոստայնանկեն : Ըպարանք բիւ-

րաւորք 'ի վեր ամբառնան , որոց մէն մի
դադարք են Թռչնոց , և յիւրաքանչիւր
'ի նոցանէ բազմադիմի հրաշագործին
այլակերպութիւնք : Չուն սպիտակա-
փառ փոխի 'ի Թռչնիկ ծածկեալ յա-
ղուամաղս . որոյ այն ինչ Թռքն բուսա-
նին , հրահանգէ զնա մայրն զխանձար-
րովքն սաւառնել . ապա հուպ ընդ
հուպ Թռածեալ զարի 'ի ծայր որորո-
ցին պարադիտել անտի՝ զայն առաջին
նուագ՝ զտեսիլ համագոյից . և երկիւ-
ղախառն հիացմամբ խուճապեալ ան-
կանի առ եղբարս իւր , որոց չեւ ևս 'ի
զնին կացեալ է տեսարանին : Ըյլ 'ի
կոչ ծնողացն ելանէ միւսանգամ 'ի բը-
նոյն դեռահասակ Թագաւորիկն օգոց՝
բերելով դեռ ևս զգլխովն զպսակն ման-
կութեան , և յանդուգն աչօք ձկտի ընդ
լայնածաւալ տարածութիւն երկնից ,
ընդ քաղաքն միտատառան ճօճելոյ

սարոյին և 'ի խորաձոր մարգագետինս որ առ արմամբ իւրոյ բնիկ կաղնոյն : Այս մինչդեռ հրձուին մայրիք ընդունել զնորեկ հիւրն , անդուստ թռչուն հին աւուրց' 'ի թողանալ թւոցն զօրու թե' գայ իջանէ յափն վտակաց ջուրց , և խաղաղիկ 'ի միայնութեան անվրդով սրտիւ դէտ ակն ունի մահուն՝ անդ առ գետեզերքն ուր երբեմն զխանդ սիրոյն գեղգեղեաց , և առ ծառովն՝ յորոյ 'ի կողերս երեւին տակաւին բոյն իւր և խանձարուրք և քաղցրաձայն սերնդոցն պար :

Այս առ տեղեալս է նկատել և զայս օրէնս բնութեան , զի թռչնոցն մանունց ըստ ազգի՝ գոյն ձուոյն է հասարակաբար ըստ միոյ 'ի ձոխագոյն գունոց արուին : Ձու սեակտուց հաւոյն , որ զբուն իւր դնէ 'ի դժնիկն սպիտակ , 'ի հաղարջենին և 'ի մացառս պարտիզաց մերոց , սևորակ է 'ի գոյն արդիսեան քարին յոր թիկնամէջք իւր հարկանին : Տեսի երբեմն , որպէս յիշեմ , զբոյն մի թռչնոյս 'ի վարդենուջ՝ 'ի նըմանութիւն խեցւոյ գաղտակրէի , և 'ի նմա մարգարիտք չորք կապուտակք , և վարդ ցողաթուրմ կախեալ 'ի վերուստ . և արուն սեակտուց մօտ դարեալ կայր անդ անշարժ 'ի փոքրիկ թփի իբրև զծաղիկ փողփողեալ 'ի կապոյտ և 'ի ծիրանի : Այս պատկեր տեսւեան նոցա ցողանայր 'ի ջուր առ երի լճակին հանդերձ ստուերատեսակ հովանեալ ընկուզենւոյն , որ լուսաւորագոյն ևս զտեսարանն վերբերէր , և յետկուսէ նորին ծագէր արշալոյս : Ինչո՞ որպէս 'ի դոյզն պատկերի տայր մեզ Բարչապետն ըզճաշակ իմն համագոյիցն գեղեցկութեան , որով պճնեացն զնոսա :

Այս նոյն օրէնք են և գունոյ ձուոց հաւուցն մեծամեծաց : Այսինքն զի թռչնոցն , որոց բազումք իցեն էգք , և որոց չիցէ գոյն փետրոց սեփական ըստ ազգի , նոցա ձուք հասարակաբար սպիտակք իցեն : Սրայնոցն և անտառայնոց , որոց առաջինքն 'ի ծովու և վերջինքն 'ի բարձունս ծառոց դնեն զբոյնս իւրեանց , հասարակաբար հարկանին

ձուքն 'ի կանաչ կապուտակային , կամ զի այսպէս ասացից՝ զջուրջ կացելոցն իրաց առնուն զգոյն : Իսկ որոց 'ի բարձունս աշտարակաց և 'ի զանգակատունս պատսպարին , 'ի գոյն բաղեղան են գոյնք ձուոց նոցա , կամ կարմրակերպք ըստ գունոց որմոցն յորս բնակեն : Այս ապա մարթ իցէ ունել հաստատութեամբ որպէս օրէն անփոփոխ , զի թռչունք առհասարակ տպաւորեն 'ի ձուս իւրեանց զնշանակ տարփանացն իւրեանց և զտիպս բուսոյ բարուցն և զտարազու կենաց : Ըստ իցէ տեսանել զայն դիւրաբեկ արձան առ 'ի գուշակելոյ փոքր 'ի շատէ զազգ նորա և զսերունդ , զբարս և զսովորոյթ և զախորժակս . և թէ ծովաշրջիկ արդեօք վարէր կենցաղ բազմավտանգ , եթէ երջանկագոյն ևս՝ հովուական կենցաղով կեալ ճահաւորէր . վայրագասուն էր՝ եթէ քաղաքացի , լերանց՝ եթէ մարգաց բնակիչ : Հետախուզիցն հնութեանց մայրեաց ստուգագոյն են գիտութեանցն հաւաստիք , քան որոց զքաղաքացն հետազօտիցեն զհնութիւն . կաղնի կեղեւեալ կամ մամուռապատ յայտնագոյն ևս տայ մեզ իմանալ յորմէ զաճումնն ընկալաւ , որպէս ոչ սիւնն տապալեալ , որ չկարէ ցուցանել զճարտարապետն որ կանգնեացն զնա : Ընդ իմք և մահարձանք են մատեանք յիշատակի վիպաց մարդկութեան . այլ բնութիւն 'ի բուն իսկ 'ի կեանսն տպաւորէ զիւրն զամենայն . չեն պէտք նմա ոչ քարանց և ոչ որձաքար վիմաց՝ առ 'ի զգրեալսն յաւերժացուցանելոյ : Եւ մանակն որ եկեր ծախեաց զպերճարձանագիրս արքայիցն Սեմիւոյուոց 'ի մահարձան բրգանց նոցա , ոչ զօրեաց ջնջել և ոչ նշանախեց մի յորոց 'ի պատեան ձուոյն իւրոյ՝ դրոշմեաց եգիպտահաւն Իպիս :

ՇԱԹՈՊՐԻԱՆ . ՈԳԻ ՔՐԻՍՏ .